

"Техникалық инспекция саласындағы мемлекеттік көрсетілетін қызметтер стандарттарын бекіту туралы" Қазақстан Республикасы Ауыл шаруашылығы министрінің 2015 жылғы 6 мамырдағы № 4-3/421 бұйрығына өзгерістер енгізу туралы

Күшін жойған

Қазақстан Республикасы Ауыл шаруашылығы министрінің 2016 жылғы 8 сәуірдегі № 165 бұйрығы. Қазақстан Республикасының Әділет министрлігінде 2016 жылы 26 мамырда № 13743 болып тіркелді. Күші жойылды - Қазақстан Республикасы Ауыл шаруашылығы министрінің 2020 жылғы 4 қарашадағы № 337 бұйрығымен.

Ескерту. Күші жойылды – ҚР Ауыл шаруашылығы министрінің 04.11.2020 № 337 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) бұйрығымен.

БҰЙЫРАМЫН:

1. "Техникалық инспекция саласындағы мемлекеттік көрсетілетін қызметтер стандарттарын бекіту туралы" Қазақстан Республикасы Ауыл шаруашылығы министрінің 2015 жылғы 6 мамырдағы № 4-3/421 бұйрығына (Нормативтік құқықтық актілерді мемлекеттік тіркеу тізілімінде № 11766 болып тіркелген, 2015 жылғы 12 тамызда "Әділет" ақпараттық-құқықтық жүйесінде жарияланған) мынадай өзгерістер енгізілсін:

көрсетілген бұйрықпен бекітілген "Тракторларды және олардың базасында жасалған өздігінен жүретін шассилер мен механизмдерді, өздігінен жүретін ауыл шаруашылығы, мелиоративтік және жол-құрылыс машиналары мен механизмдерін, сондай-ақ жүріп өту мүмкіндігі жоғары арнайы машиналарды жүргізу құқығына куәліктер беру" мемлекеттік көрсетілетін қызмет стандартында:

9-тармақтың 1) тармақшасы мынадай редакцияда жазылсын:

"1) көрсетілетін қызметті берушіге жүгінген кезде:

"А", "В" және "Г" санаттарындағы куәліктерді алу үшін:

осы стандартқа қосымшаға сәйкес нысан бойынша өтініш;

тиісті санаттар бағдарламасы бойынша оқудан өткені туралы куәліктің немесе "ауыл шаруашылығын механикаландыру" немесе тракторист-машинист біліктілігін растайтын дипломның көшірмесі (түпнұсқасы салыстырылып тексеру үшін беріледі);

"Денсаулық сақтау ұйымдарының бастапқы медициналық құжаттама нысандарын бекіту туралы" Қазақстан Республикасы Денсаулық сақтау министрі міндетін атқарушының 2010 жылғы 23 қарашадағы № 907 бұйрығымен (Нормативтік құқықтық актілерді мемлекеттік тіркеу тізілімінде № 6697 болып тіркелген) бекітілген № 086/е нысаны бойынша медициналық анықтама;

"Салық және бюджетке төленетін басқа да міндетті төлемдер туралы (Салық кодексі)" 2008 жылғы 10 желтоқсандағы Қазақстан Республикасының Кодексінде белгіленген, куәлік бергені үшін мемлекеттік баж төленгені туралы құжат;

өлшемі 3,5х4,5 сантиметр, ақ немесе түрлі-түсті фонды фотосурет;

жоғары, техникалық және кәсіптік білім беру оқу орындарын ("ауыл шаруашылығын механикаландыру немесе тракторист-машинист" мамандығы бойынша арнайы оқу орындары, орта кәсіптік оқу орындары) бітірген адамдарды қоспағанда, білім беру ұйымының емтихан комиссиясы хаттамасының көшірмесі ;

"Б" немесе "Д" санаттары бар куәлік алу үшін осы тармақшаның талаптарына сәйкес келуі қажет;

"Б" және (немесе) "Д" санаттары "А", "В" немесе "Г" бағандарында рұқсат ету белгісі бар куәлік иеленген (тиісті машиналарда жалпы жұмыс өтілі алты айдан кем емес) және емтихан пунктінде теориялық емтихан тапсырған тракторист-машинистерге беріледі.

2015 жылғы 23 қарашадағы Қазақстан Республикасы Еңбек кодексінің 35-бабында көрсетілген құжаттардың кез келгені жұмыс өтілін растайтын құжат бола алады;

"Ерекше белгілер үшін" бағанында "қаршаналар, квадроциклдер жүргізуге рұқсат" деген жазуы бар тракторист-машинист куәлігін алу үшін көрсетілетін қызметті берушіге жүгінген кезде емтихан пунктіне мынадай құжаттар ұсынылады:

осы стандартқа қосымшаға сәйкес нысан бойынша өтініш;

рұқсат ететін "А" және "В" немесе "Б" және "В" санаттары бар куәліктің көшірмесі немесе рұқсат ететін "А" немесе "А1" немесе "В1" санаты бар жүргізуші куәлігі;

тракторист-машинист куәлігін бергені үшін мемлекеттік баждың төлегені туралы түбіртек;

өлшемі 3,5х4,5 сантиметр, ақ немесе түрлі-түсті фонды фотосурет.

Тракторист-машинисттің куәлігін ауыстыру (алмастыру) емтихан пунктін құжаттар қабылдаған күннен бастап екі жұмыс күні ішінде және осы Стандартқа 9-тармақта көрсетілген талаптардың негізінде жүргізіледі.

Емтихан пунктiнiң жауапты орындаушысы өтiнiш берушiнiң құжаттарын алған сәттен бастап бiр жұмыс күнi iшiнде ұсынылған құжаттардың толықтығын тексередi.

Ұсынылған құжаттардың толық емес фактiсi анықталған жағдайда, емтихан пунктi өтiнiш берушiге өтiнiштi қарастырудан жазбаша түрде дәлелдi бас тартуды жолдайды.

Ескi үлгiдегi куәлiктi ауыстырған (алмастырған) кезде жаңа куәлiкке рұқсат ету санаттары мынадай тәрiптi есепке ала отырып, көшiрiледi және қойылады:

ескi үлгiдегi тракторист-машинист куәлiгiндегi "А", "Б", "В", "Г", "Д", "Е" санаттары жаңа куәлiктегi "А", "Б", "В", "Г", "Д" санаттарына сәйкес келедi;

3-сыныпты тракторист-машинист куәлiгi жаңа үлгiдегi "А", "В", "Г" санаттары бар куәлiкке сәйкес келедi;

2-сыныпты тракторист-машинист куәлiгi жаңа үлгiдегi "А", "Б", "В", "Г" санаттары бар куәлiкке сәйкес келедi;

1-сыныпты тракторист-машинист куәлiгi жаңа үлгiдегi "А", "Б", "В", "Г", "Д" санаттары бар куәлiкке сәйкес келедi;

К-701 "Кировец" тракторист-машинист куәлiгi жаңа үлгiдегi "Б" санатты куәлiкке сәйкес келедi;

"комбайншы" мамандығы көрсетiлген ауыл шаруашылығы механизаторының куәлiгi жаңа үлгiдегi "Г" санатты куәлiкке сәйкес келедi;

"тракторшы" мамандығы көрсетiлген ауыл шаруашылығы механизаторының куәлiгi жаңа "А", "В" санаттары бар үлгiдегi куәлiкке сәйкес келедi.

Куәлiктi ауыстырған (алмастырған) кезде жаңадан берiлген куәлiктiң "Ерекше белгiлер үшiн" деген бағанына бұрынғы куәлiктiң сериясы, нөмiрi және берiлген күнi жазылады.

Куәлiк жоғалған кезде "Телнұсқа" деген белгiсi бар жаңа куәлiк берiледi:

тұрғылықты жерi бойынша тiркелген адамдарға осы Стандарттың 9-тармағының 1) тармақшасының сегiзiншi абзацын қоспағанда, осы Стандарттың 9-тармағында көрсетiлген құжаттар және iшкi iстер органдарынан сот шешiмiнiң негiзiнде әкiмшiлiк құқық бұзушылық жасағаны үшiн алынған куәлiктердiң арасында жоқ екендiгi туралы анықтама негiзiнде өтiнiш берушiнiң құжаттарын қабылдаған сәттен бастап екi жұмыс күнi iшiнде;

өтiнiш берушiнiң жүгiнген орны бойынша куәлiк берiлгенi туралы мәлiмет болмаған жағдайда, куәлiк берген емтихан пунктiнiң куәлiк беру кiтабындағы жазба негiзiнде осы Стандарттың 9-тармағының талаптарын 1) тармақшасының төртiншi және сегiзiншi абзацтарын қоспағанда, 9-тармақтың талаптарын сақтай отырып, өтiнiш берушiден құжаттарды қабылдаған сәттен бастап он бес жұмыс күнi iшiнде берiледi.

Куәлік беру кітабындағы жазбаларды нақтылауды куәлік берген емтихан пунктiне сұрау салу арқылы өтiнiш берушiнiң өтiнiшi бойынша емтихан пунктi жүзеге асырады.

Әкiмшiлiк құқық бұзушылық жасағаны үшiн iшкi iстер органдарында куәлiктi алып қойғаны немесе сот шешiмiнiң негiзiнде айырылғаны анықталған кезде, телнұсқа беру жүргiзiлмейдi, ол туралы жазбаша дәлелдi бас тарту ұсынылады.

Шетел азаматтарының және азаматтығы жоқ адамдардың куәлiктерiн алмастыру емтихан пунктiне куәлiктердiң түпнұсқасы мен оның мемлекеттiк тiлде немесе орыс тiлiнде расталған аудармасын, iшкi iстер органдарында тiркелген жеке басты куәландыратын құжаттарды (паспорт, жеке куәлiк) (түпнұсқа салыстырып тексерiлгеннен кейiн қайтарылады) ұсыну негiзiнде, медициналық куәландырудан өткеннен, тракторист-машинист куәлiгiн беру үшiн мемлекеттiк бажды төлегеннен және теориялық емтихандарды тапсырғаннан кейiн екi жұмыс күнi iшiнде жүргiзiледi.

Бұл ретте тракторист-машинистiң ұлттық куәлiгiнде рұқсат берiлген және осы тармақтың талаптарына сәйкес келетiн машиналар санаттарын жүргiзу құқығына арналған куәлiк келу құжаттарының қолданылу мерзiмiне берiледi. Тракторист-машинистiң ұлттық куәлiгi емтихан пунктiнде сақталады және иесiнiң өтiнiшi бойынша оған бұрын берiлген Қазақстан Республикасының куәлiгiн тапсырғаннан кейiн бiр жұмыс күнi iшiнде қайтарылып берiледi.

Шетел азаматтарында және азаматтығы жоқ адамдарда тракторист-машинистiң ұлттық куәлiгi болмаған жағдайда, олардың Қазақстан Республикасында болу мерзiмi алты айдан асатын болса, Қазақстан Республикасының куәлiгi жалпы негiздерде берiледi;"

қосымшаның орыс тiлiндегi атауына өзгерiс енгiзiледi, мемлекеттiк тiлдегi мәтiн өзгермейдi.

2. Қазақстан Республикасы Ауыл шаруашылығы министрлiгiнiң Өсiмдiк шаруашылығы өнiмдерiн өндiру мен қайта өңдеу департаментi заңнамада белгiленген тәртiппен:

1) осы бұйрықтың Қазақстан Республикасы Әдiлет министрлiгiнде мемлекеттiк тiркелуiн;

2) осы бұйрық Қазақстан Республикасы Әдiлет министрлiгiнде мемлекеттiк тiркелгеннен кейiн күнтiзбелiк он күн iшiнде оның көшiрмесiнiң мерзiмдi баспа басылымдарына және "Әдiлет" ақпараттық-құқықтық жүйесiне ресми жариялауға, сондай-ақ бес жұмыс күн iшiнде Қазақстан Республикасы нормативтiк құқықтық актiлерiнiң эталондық бақылау банкiне орналастыру үшiн "Республикалық құқықтық ақпарат орталығы" республикалық мемлекеттiк кәсiпорнына жiберiлуiн;

3) осы бұйрықтың Қазақстан Республикасы Ауыл шаруашылығы министрлігінің интернет-ресурсында және мемлекеттік органдардың интранет-порталында орналастырылуын қамтамасыз етсін.

3. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасының

Ауыл шаруашылығы министрі

А. Мамытбеков

"КЕЛІСІЛГЕН"

Қазақстан Республикасының

Инвестициялар және даму министрі

_____ Ә. Исекешев

2016 жылғы 21 сәуір

"КЕЛІСІЛГЕН"

Қазақстан Республикасының

Ұлттық экономика министрі

_____ Е. Досаев

2016 жылғы 15 сәуір